

Piste 312_9

Sukari

Usiku mwengoni mwa usiku, mfaume haka ulenga emidji
Hapveha ndrume Hamahame yalahe uka ngudjo
Owa Hamahame wadji hudumu

O usiku ula pwaka uhudja mzee washi Ngole, dawala wazee wado
safiri. Hadja habaliya hindru shi ambwawo sukari
Sukari woyi hari yetrilwa harumwa madji, emna madji ye udjipva

Ola mzee hambaba yedo udjo piha etshai ya mfaume
Sha ila mba sukari kayidja timu sutru, na mfaume hadungana no wandru
wahahe piya, harumwa wandru madjana wandzo wafanyilwa tshai na
sutru dzima

Al muradi owandru wa Hamahame watsanganyha ha mdji wapihe
shahula shahawo, ze ntsambu
Ngapvo wabaliya ze nkuni, wasaya wadja ne zenazi, wala wadja ne
zenyungu, wala ne zipviya...
E midji mengo mili na miraru ya Hamahame watsanganyha piya wapiha
ze ntsambu za mfaume

Pvahe ola mzee wa Ngole deyaka upiha etshai
Hende hakaza djindru la nyungu la tshai
Makati yao ezikombe zakaya mitshele

Mfaume ne wandru wahahe wakantsi pvala, wanikiwa emitshele wadje
wanwe tshai

Bahi ola mzee ha renge ila mba sukari ha triniya omtshele wa mfaume
bahi
Sha ewandru wa dunga pvala itsoka mani na mdfarasini

Yapvo wandru wakantsi, emzee ola hatso djuha ngutso nongoneya ha
mdzima :

- Namri swamihi siwa Hamahame baba pvanu ngapvo mtshele shatsu
wahi shatrilwa sukari sha karitsu djuwa dflashipvi

Bahi haina yarenga yahanwa ngutso fikiri « Hayi inu **dfesha** hangu **dfeshatsu** wahi sha trilwa esukari »

Pvowa nwawo pvala, mfaume hamba :

- Ayi**boo** ! Badi ola mna tshai hapihwa **ndro** !

Pvahe wala wandru wedunga :

- Ah Ah ! Ngapvo hazi ilo rahanwa
Idjipva **bo** mfaume !

Eze rongo zila zidja ziwasuili mfaume, hadja hazidjua

Mfaume haka uhamba:

- Owa Hamahame eka wamba ukaya ngwa **dfunganao** nawe, wotso **dfungana** ha wema
We **dfungana** na mndru waHamahame, kuna udjitswa